



EQQAANERMUT MALERUAQQUSAQ 4

Uuliakunik akoorutissanillu eqqaanermi
Sisimiut kommuneani maleruaqqusaq



Regulativ for bortskaffelse af
olie- og kemikalieaffald i Sisimiut Kommune
1996

AFFALDSREGULATIV 4

Uuliakunik akoorutissanillu eqqaanermi Sisimiut Kommuneani maleruaqqusaq

1. Inatsit tunngavigisaq

Uuliakunik akoorutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq naapertorlugu maleruaqqusaq manna suliarineqarpoq.

2. Atuuffii

Maleruaqqusaq Sisimiut Kommuneani atuuppoq.

3. Maleruaqqusami kikkut pineqarpat?

Maleruaqqusami matumani pineqarput inuinnaat illui tamarmik kiisalu inuusutissarsiateqarfiit tamarmik, pisortat inuinnaallu sullissiviutaat ilanngullugit.

4. Maleruaqqusami suut pineqarpat?

4.1 Maleruaqqusami pineqarput uuliakut akoorutissallu igitassat suugaluartufluunniit uuliakunik akoorutissanillu eqqaaneq pillugu Namminersornerullutik Oqartussat nalunaarutaannut nr. 29 17. september 1993-immersumut atuuumassuteqartut.

4.2 Uuliakunik akoorutissanillu igitassanut aamma ilaatinneqarput uuliamut akoorutissanillu poortuutikut.

4.3 Uuliakunik akoorutissanillu igitassat nalunaarummi nr. 29-mi ilanngunneqarsimangitsut, taamaattorli nalunaarummut ilanngussami taagorneqartunut saniliunneqarsinnaasut, igitassanik katersinermut ilaatinneqassanersut Sisimiut Kommuneata aalajangissavaa.

4.4 Maleruaqqusami pineqarput igitassat peqqinnissamut avatangiisinullu toqqaannartumik ulorianaateqalersitsinnaasut imaluunniit igitassanik eqqaanermut atatillugit suliarissallugit akornutaasinnaasut.

4.5 Katersinermut ilaatinneqanngillat igitassat qaarsinnaasut, imminik ikuallattartut imaluunniit qinggornernik uloriarnartunik akullit (radioaktiv) imaluunniit nakorsaait sinnikui.

4.6 Qaarsinnaasunik imaluunniit imminik ikuallattartunik igitassaaateqartartut kommunep piumaffigisinaavai tamakkuninnga tunniussiartulersinnatik qaarsinnaajunnaarsitsillutillu imminik ikuallasinnaajunnaarsitsisarnissaannik.

4.7 Igitassat soorpiaanissaannik nalunaarsukkanik erseqqinnerusunik maleruaqqusaq ilanngussartalerneqarsinnaavoq.

5. Katersineq qanoq aaqjissuunneqassava?

5.1 Illuinnaat.

5.1.1 Uuliakunik akoorutissanillu igitassat tunniunneqassapput kommunep tamakkuninnga tigooraavianut.

- 5.1.2 Katersineq Teknikimut avatangiisinullu ingerlatsivimmiit aqunneqassaaq.
- 5.1.3 Uuliakunik akoorutissanillu igitassanik katersinermi najoqqutassat Teknikimut avatangiisinullu ingerlatsivimmiit pineqarsinnaapput.
- 5.2 **Suliffeqarfiit.**
- 5.2.1 Uuliakunik akoorutissanillu igitassat tunniunneqassapput kommunep tamakuninnga tigooraavianut.
- 5.2.2 Igitassat poortoreersimasut Teknikimut avatangiisinullu ingerlatsivimmut saaf-figinnilluni aaquneqarsinnaapput, akit atuuttut naapertorlugit akiligassatut.
- 5.2.3 Katersineq Teknikimut avatangiisinullu ingerlatsivimmiit aqunneqassaaq.
- 5.2.4 Uuliakunik akoorutissanillu igitassanik katersinermi najoqqutassat Teknikimut avatangiisinullu ingerlatsivimmi pineqarsinnaapput.
- 5.3 **Sisimiut Kommuneata akisussaaffii pisussaaffillu.**
- 5.3.1 Sisimiut Kommuneata isumagissavaa akoorutissat igitassat katersukkat Kommunekemi-mut nassiunneqartarnissaat, igitassallu allat avatangiisinut isumannartuunngitsut atoqqitassanngortinneqarsinnaapput.
- 5.3.2 Katersinermut atatillugu Sisimiut Kommuneata pisariaqarnera naapertorlugu isumannaallisaatinik iliuuseqassaaq. Sisimiut Kommuneata isumagissavaa katersinermut atatillugu sullivimmi avatangiiseqarnermut aammalu isumannaallisaarnermut tunngasunut iliuusereqqusat maleruartinneqarnissaat.
- 5.3.3 Sisimiut Kommuneata isumagissavaa katersinermi assartuinermilu, nammineq ingerlassamini, userartuisoqaraniluunniit minngersaasoqannginnissaa, kiisalu isumagissallugu eqqaanermi silaannarmik, nunamik immamiluunniit minngutsitsinaveersaarnissaq mingutsitsinnginnissarluunniit.
6. **Aaqqissuussinermut qanoq peqataangitsoortoqarsinnaava?**
- 6.1 **Illuinnaat.**
- 6.1.1 Katersinermut peqataanissaq piumasaqaataammat saniatigut peqataannginnissamut akuersissuteqartoqarsinnaanngilaq.
- 6.2 **Suliffeqarfiit.**
- 6.2.1 Siumut qinnuteqartoqareerneratigut Naalakkersuisut akuersisinnaapput suliffeqarfiit katersuinermik aaqqissuussinermut peqataangitsoorsinnaanerannut, suliffeqarfik nammineq uuliakunik akoorutissanillu igitassanut isumannaatsuumik suliarinnittarfiuteqarsimappat, aammalu tamanna avatangiisinut isumannaatsumik ingerlanneqarsinnaasimappat, kiisalu taamaaliorneq annertussuseq tunngavigalugu kommunep tigooraaveqarneranut eqqaaveqarneranullu akimmisaarutissanik kinguneqassanngippat.
- 6.2.2 Peqataajumanani qinnuteqaatit suliarineqassapput uuliakunik akoorutissanillu eqqaaneq pillugu Namminersornerulitik Oqartussat nalunaarutaat nr. 29 17. september 1993-imeersumi § 10 naapertorlugu.
- 6.2.3 Qinnuteqartup qinnuteqaammini erseqqilluinnartumik nassuiassavaa igitassaatini qanoq suliarisarniarnerlugit igittarniarnerlugillu.
- 6.2.4 Pinngitsoorani agguissisarnissamik saneqqutsiniarluni qinnuteqaat Sisimi-

ut Kommuneanut tunniunneqassaaq, tassangaaniillu kukkunersiukkanik nalunaarsuummik tapiliussartalerlugu Naalakkersuisunut ingerlateqqinneqassalluni.

6.2.5 Immikkut akuersissut atorunnaarsinneqarsinnaavoq unioqqutitsisumik atu-gaalerpat, eqqagassaatit suussusii amerlassusii allannguuteqarsimappata il.il.

7. Akisussaaffiit pisussaaffiillu

7.1 Illuinnaat.

7.1.1 Illuinnaat uuliakunik akoorutissanillu igitasaatimittut pinngitsooratik tunniu-tassaraat igitassanik eqqaanermut ilanngutissagaanni imaluunniit kuuffitsi-goortissagaanni avatangiisinut ulorianaateqarsinnaasut, soorlu illumi ator-tussiat akoorutissartallit sinnikui, batteriit kviksølvitallit, uuliakut, qalipaait sinnikui, terpentin il.il.

7.1.2 Igitassat assigiinngitsut ataatsimut kattussuunneqassanngillat, ajornanngip-pallu puuniitfinnarneqassallutik. Tamanna ajornarpat erseqqissumik nalu-naaqutserneqassapput suunersut.

7.1.3 Kikkut tamarmik angallaviannut igitisoqassanngilaq.

7.1.4 Tigooraavimmuut imaluunniit katersarfimmuut tunniussinermi igitassat immik-koortitigariissapput poortoreersimassallutillu, taamaalilluni suliareqqinnissaat isumannaatsuullunilu avatangiisinut ajoqusiisinaaqqunagu.

7.1.5 Igitassat imerpalasut imaluunniit qajuusaasat tamatigut poortorneqartassap-pu.

7.1.6 Sisimiut Kommuneata nalunaannerusumik aalajangersarsinnaavai poortuu-tissat suunissaat, ilanngullugulu inerteqqutigisinnaallugit poortueriaatsit aalajangersimasut.

7.1.7 Tunniussinermi igitassat suussusiinut tunngasut, pisariaqartut il.il. tamarlu-innarmik oqaatigineqassapput.

7.1.8 Tamanut nalinginnaasumik atuuppoq kikkugaluartut igitaminnik avatangi-i-sinut ulorianaatillimmik mingutsitsisimasut, imaluunniit illuminni taamatut mi-ngutsitsisimanermik malussarsimasut piaarnerpaamik kommunemut ilisima-titsinissaat.

7.2 Suliffeqarfiit.

7.2.1 Uuliakunik akoorutissanillu igitassat uninngasuutigineqassapput nakkutillii-sunit pisariitsumik misissorneqarsinnaallutik.

7.2.2 Uuliakunik akoorutissanillu igitassanut ilitivik manngertumik ussissumillu nateqqassaaq, akoorutissanik uninngasuutigineqartartunit arrortinneqarsin-naanngitsumik, aammalu userakkanut katersuuffissaqartariaqarluni. Uulia-kunik akoorutissanillu igitassat ussissunik pooqassapput, inaalinneqassal-lutillu arlaannik ussiillisinnaaneri takulertorneqarsinnaanngorlugit.

7.2.3 Uninngatitsineq, assartuineq eqqaanerlu pissapput silaannarmik, nunamik immamilluunniit minngersaafissaanngitsumik.


- 7.2.4** Igitat kuuffissuartigut (kloakitigut) imaluunniit allatut imikumut kuuffissiatigut kuutsinneqassanngillat imaluunniit nunaannarmut iliinnarneqaratillu assaanneqassanatik.
- 7.2.5** Igitassat assigiinngisitaartut ataatsimut kattussuunneqassanngillat, aammalu sapinngisamik poortuutaanniittinneqassallutik. Tamanna ajornarpat igitassat suuneri erseqqissumik allagarserneqarsimassapput.
- 7.2.6** Suliffeqarfiit uuliakunik akoorutisanillu igitassaateqarnertik kommunemut nalunaarutigissavaat. Nalunaarummi allassimassapput igitassaatiit suuneri, uki-umut qanoq annertutigisumik igitassaqartarnissaq, igitassaatiit issusiat, poortuutiit suut atugaanersut, toqunartutut qanoq klassiligaanersut kiisalu uki-umut qasseriarluni aggiussisarnissaq ilimagineqarnersoq. Nalunaarfissatut immersugassaq kommunemit akeqanngitsumik pineqarsinnaavoq.
- 7.2.7** Uuliakunik akoorutissanillu igitassat aaneqartut tunniukkiartorneqartullu suunerinik nalunaarsuummik allagarserneqassapput. Allagartaq immikkut ilusilerlugu naqitaassaaq pissarsiarineqarsinnaallunilu kommunemit.
- 7.2.8** Allagartap nuutsinnera igitsiartorsimasumut utertinneqassaaq igitassaataamik tigooraavimmi tiguisisamanermut uppernarsaatitut. Uppernarsaat nakkutilliusunut uppernarsaatissaammat suliffeqarfimmi uninngasuutigineqassaaq.
- 7.2.9** Uuliakunik akoorutissanillu eqaagassat poortoriikkaat allagartaqassapput sutut normoqarnerinik, igitassanut sorlernut atasuunerinik aammalu toqunartulit-tut qanoq klassiligaanerinik.
- 7.2.10** Allagartaat imermit qerlaarneqarsinnaassanngillat.
- 7.2.11** Uuliakunik akoorutissanillu igitassat assartulersinnagit igitassaatiillip misissus-savai poortuutissanut akuerisaasnut igitassatut eqqortumik poortugaasima-nersut.
- 7.2.12** Kukkusumik imaluunniit naammaginngitsumik poortorneqarsimappata pissusissamisooqqullugit Sisimiut Kommuneata Teknikimut avatangiisinul-lu ingerlatsiviup piumasarisinnaavaa.
- 7.2.13** Poortuut akuerineqartutut naatsorsuunneqassaaq ussikkuni matulluarsi-mallunilu kiisalu igitatut uninngasuutigissallugu assartussallugulu isuman-naakkuni.
- 7.2.14** Igitassat poortuuteqassapput nappartanik saviminernik 1/1, 1/2 imaluunniit 1/4 imaluunniit plastinik. Igitassanut imerpalasunut nappartat qipissakkanik simillit, igitassanullu manngertunut nappartat soqqartalertakkamik matullit atorineqassapput. Aamma dunkit savimernit imaluunniit plastit 5-mit 25 lite-rimut imartussusillit atorineqarsinnaapput.
- 7.2.15** Toqunartullit puukui imaarutivinnikut, filterkagit kinnikut allallu taamaaqqa-taat puunut plastinut poortorneqassaapput.
- 7.2.16** Poortuutissiat pappit pappialallu tamakkununnga poortuutitut akuerineqarsin-naanngillat.

8. Assartuineq


- 8.1 Akoorutissanik igitassat suliffeqarfimmiit tigooraavimmut assartorneqarsinnaapput suliffeqarfiup nammineq isumagisaanik imaluunniit aallertitsisarnissamik kommunep aqqissuussimasaatigut.
- 8.2 Igitassanik tunniussisarfiliaaassisoq akisussaavoq silaannarmik, nunamik immamilluunniit assartuinerimi mingutsitsisoqaranilu mingutsitsisinnaanermik pisoqannginnissaanut.
- 8.3 Entreprenøri igitassanik assartuisitsisartooq akisussaavoq igitassat immikkoortitereersimanissaannut, kiisalu poortuutit il.il. allagarsersoreersimanissaannut malittarisassami taamaaliornissamut aalangersakkat naapertorlugit.
- 8.4 Entreprenørip igitassanik assartuisitsisartup Sisimiut Kommuneani Teknikimut avatangiisimullu ingerlatsivimmut nalunaarutigissavaai igitassatut assartukkat igitalu qanoq amerlatigineri, suuneri kiisalu tigooraasartut nalunaarutigissavaat igitartortut ataasiakkaat tamarmiusut kikkuneru. Entreprenørip qanoq nalunaaruteqartarnissaanik paasissutissiisarnissaanillu Sisimiut Kommuneata erseqqinnerusunik aalangersagallorsinnaavoq.
9. **Misissuineq, nakkutilliineq paasissutissiisussaataitaanerlu**
- 9.1 Illullit/suliffeqarfiit tamarmik piumaffigineqarunik pisussaapput Sisimiut Kommuneani Teknikimut avatangiisimullu ingerlatsivik eqqoqqissaartumik paasitissallugu igitassaatimi qanoq amerlatiginerinik qanorlu assigiinngisitaartiginerinik kiisalu tamatuma nalaani sumut igitisarnermik.
- 9.2 Tamatuma saniatigut Sisimiut Kommuneani Teknikimut avatangiisimullu ingerlatsivik paasissutissat eqqortuunerinik misissuinissaminut ajornarsaarunneqassanngilaq.
- 9.3 Suliffeqarfiit, imm. 6 naapertorlugu peqataannginnissaminik akuerisassimasut, pisussaapput Sisimiut Kommunea ilisimatissallugu qanoq ilisamik immikkut akuersinermut patsisissaataitasut allannguuteqassagaluarpata.
10. **Akiliuteqartitsineq**
- 10.1 Uuliakunik akoorutissanillu igitassanik aallertitsinermut aammalu puukunik piginnittunu utertitsinermut qanoq ilisukkulluunniit akissatut aalajangersakkat naapertorlugit igitassaateqartoq akiliuteqartassaaq.
- 10.2 Igitassaateqartoq akiliisussaavoq, kommune tamatumunnga atatillugu immikkut aqqissuussinermigut tamakkiisumik ilaannakortumilluunniit aningaasartuutitut akiliisarsimangippat.
- 10.3 Kinaluunniit uuliakunik igitassanik imaluunniit akoorutissanik igitassanik tunniusartortartoq uninngatitsinermut, assartuinerimut eqqaanermullu kommunep aningaasartuutaanut matussutissanngorlugit qaqugukkulluunniit akit kommunalbestyrelsimiit aalajangikkat atorlugit akiliuteqartassaaq. Akiliutissat annertussusai akit allattorsimaffianni aaliangigaapput ukiumullu ataasiarlugit iluarsaanneqartassallutik, aammalu Sisimiut Kommuneani Teknikimut avatangiisimullu ingerlatsivimmiit pineqarsinnaallutik.
- 10.4 Kommunalbestyrelsi akigititassanik aalajangersaasimatinnagu Kommuneke-

mi A/S-ip akigititassatut aalajangersagai qaqugukkulluunniit atuuttut ator-neqassapput, tapiuserlugit kommunep uninngatitsinermut assartuinernullu aningaasartuutaanik, igittakkat suussusi qanorlu akuleriinneri toqqammaviga-lugit. Suussusilersuinermi paasisat igitassaatilip allanngortinniarsinnaan-ngilai.

- 10.5** Akiliutissat atuuttussiaapput igitassaatilimmut, akiliutissat igitassaatilimmik akilersinneqartassapput.
- 11. Naammagittaalliorsinnaaneq**
- 11.1** Ulluinnarni katersinermut naammagittaalliorfissaavoq Sisimiut Kommunea, Teknikimut avatangiisinullu ingerlatsivik, Box 1014, 3911 Sisimiut.
- 11.2** Maleruaqqusaq manna naapertorlugu kommunalbestyrelsip aalajangiinera oqartussaasutut pisortaqaqfinnut allanut maalaarutigineqarsinnaanngilaq.
- 12. Unioqqutitsineq**
- 12.1** Maleruaqqusami imm. 7-imi, 8-mi aamma 9-mi unioqqutitsineq akiliitsi-nermik pineqaatissiisutaasinnaavoq, Namminersornerullutik Oqartussat na-lunaarutaat nr. 29 17. september 1993-imeersumi § 18 naapertorlugu.
- 13. Atortuulerneru**
- 13.1** Maleruaqqusaq atortuulerpoq kommunalbestyrelsimi akuersissutigineqar-nerminiit qaammatisiutit ulluisa 30-it qaangiunneranni.
- 13.2** Sisimiut Kommuneani kommunalbestyrelsip akuersissutigaa ulloq 06.02.1996.



Hermann Berthelsen
fung. borgmester



Niels Rask Andersen
kommunaldirektør